



Հաստատված է
ԳՊՀ հոգաբարձուների խորհրդի
2024թ. հունվարի 27-ի նիստի թիվ 1 որոշման 3-րդ կետով

Հոգաբարձուների խորհրդի նախագահ՝

Ե. Ղազարյան
Ե. Ղազարյան
2024թ. հունվարի 27

«ԳԱՎԱՌԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ ՏԱՐԵԿԱՆ ԶԱՐԳԱՑՄԱՆ ԾՐԱԳԻՐ

I. ԸՆԴՀԱՆՈՒՐ ԴՐՈՒՅԹՆԵՐ

1. «Գավառի պետական համալսարան» հիմնադրամի 2024 թվականի գործունեության հիմնական ուղղությունները համապատասխանում են ԳՊՀ 2023-2027թթ. զարգացման ռազմավարական ծրագրին՝ հաստատված ԳՊՀ հոգաբարձուների խորհրդի կողմից 2023 թվականի հունվարի 21-ին:
2. ԳՊՀ գործունեության արժեքային հիմքերն են կազմում մարդասիրությունը, սոցիալական արդարությունը, ազնվությունը, օրինականությունը, կարգապահությունը, պատասխանատվությունը, հրապարակայնությունը և թափանցիկությունը, բարոյական նորմերի պահպանումը և իրավական պահանջների կատարումը, ավանդույթների և նորարարության զուգակցումը:
3. Գավառի պետական համալսարանի գործունեության նպատակն է առաքինի մարդու, բարեխիղճ քաղաքացու և որակյալ մասնագետի պատրաստումը:
4. Գավառի պետական համալսարանի 2024 թվականի գործունեության կարգախոսն է. «Կրթությունը՝ առաջընթացի երաշխիք»:
5. ԳՊՀ 2024 թվականի զարգացման ծրագիրը նախատեսում է միջոցառումներ գործունեություն հետևյալ հիմնական ոլորտներում՝
 - 1) կրթական, սոցիալ-մշակութային,
 - 2) գիտահետազոտական, նորարարական,

- 3) կառավարչական, ֆինանսատնտեսական, ռեսուրսային ապահովման,
- 4) հանրային պատասխանատվության, արտաքին կապերի
և միջազգայնացման,
- 5) հակակոռուպցիոն քաղաքականության իրականացման:

II. ԿՐԹԱԿԱՆ ԵՎ ՍՈՑԻԱԼ-ՄՇԱԿՈՒԹԱՅԻՆ ԳՈՐԾՈՒՆԵՈՒԹՅԱՆ ՈԼՈՐՏՈՒՄ

1. Կրթության որակի ապահովման ներբուհական համակարգի շարունակական բարելավում՝ որակի ապահովման կառուցակարգերի հստակեցում, շահակիցների ներգրավում որակի ապահովման գործընթացում, կրթության որակի մշտադիտարկման նոր մեթոդների և գործիքակազմի կիրառում, ԳՊՀ-ում կրթության որակի ապահովման գործընթացների համադրելիության ապահովում Եվրոպական բարձրագույն կրթության տարածքի (ԵԲԿՏ) որակի ապահովման գործընթացներին, կրթության որակի ապահովման համակարգի գործունեության արդյունավետության բարձրացում: Համալսարանի ենթակառուցվածքային հավատարմագրման գործընթացի տարեկան և միջնաժամկետ ծրագրերի կատարման մշտադիտարկում, համապատասխան արդյունքների ներկայացում Որակի ապահովման ազգային կենտրոն:

2. Ուսանողների ուսումնական, արտադրական, մանկավարժական, նախաավարտական և այլ տեսակի պրակտիկաների բարելավմանն ուղղված համալիր միջոցառումների ծրագրի մշակում և իրականացում՝ կիրառելով աշխատանքի վրա հիմնված կրթության մեթոդներ:

3. Բակալավրիատի բոլոր մասնագիտական կրթական ծրագրերում «Հետազոտության մեթոդաբանություն» դասընթացի ուսումնասիրում՝ ուսանողների մոտ զարգացնելու հետազոտական հմտություններ, վերլուծելու և եզրահանգելու կարողություններ:

4. Բակալավրիատի և մագիստրատուրայի մասնագիտական կրթական ծրագրերի (ՄԿԾ) բարելավում, արդիականացում, դրանցում ամրագրված իրազեկությունների՝ գիտելիքների, կարողությունների և հմտությունների համապատասխանեցում ՀՀ Որակավորումների ազգային և ոլորտային շրջանակներին, աշխատաշուկայի արդի

պահանջներին, ԵԲԿՏ որակավորումների համընդհանուր շրջանակին, հաշվի առնելով «կանաչ կրթության» սկզբունքը՝ ըստ ՈՈՇ-ների վերջնարդյունքների, կրթական ծրագրերի արդիականացում, ՄԿԾ-ների մասնագրերի լրամշակում, արտաքին գնահատում:

5. ԳՊՀ էլեկտրոնային ուսուցման համակարգի և թեստավորման գործող ծրագրի համալրում ուսումնական նոր նյութերով, թեստերով, զուգահեռաբար էլեկտրոնային նոր համակարգերի մշակում և շահագործում՝ ՄԿԾ-ների, ուսումնական մոդուլների, ուսումնամեթոդական տարաբնույթ նյութերի, դասախոսությունների առցանց մատուցման նպատակով, ինչպես նաև ուսանողների գիտելիքների ստուգման և գնահատման գործընթացում էլեկտրոնային գործիքների կիրառում:

6. Ուսանողների և դիմորդների համար ՄԿԾ-ների նկարագրերի, մասնագրերի վերաբերյալ ուղեցույցների մշակում և հրապարակում:

7. ԳՊՀ կառավարման տեղեկատվական նոր համակարգի մշակում և ներդրում,

8. ԳՊՀ ուսանողների ավարտական աշխատանքների, մագիստրոսական թեզերի միասնական էլեկտրոնային շտեմարանի ստեղծում, գրագողության դեմ պայքարի արդյունավետության բարձրացում, գրագողության դեպքերի բացահայտման նոր էլեկտրոնային ծրագրի ներդրում:

III. ԳԻՏԱՀԵՏԱԶՈՏԱԿԱՆ ԵՎ ՆՈՐԱՐԱՐԱԿԱՆ ԳՈՐԾՈՒՆԵՈՒԹՅԱՆ ՈԼՈՐՏՈՒՄ

1. Գավառի պետական համալսարանի ամբիոնների տարեկան գիտահետազոտական գործունեության շրջանակի սահմանում:

2. ԳՊՀ գիտական հոդվածների ժողովածուի բովանդակային և տեխնիկական պահանջների համապատասխանեցում ազգային և միջազգային շտեմարաններում ընդգրկված գիտական հանդեսներում տպագրություններին ներկայացվող պահանջներին:

3. Ազգային և միջազգային դրամաշնորհային ծրագրերի միջոցներով համակարգչային բազայի, սարքերի և սարքավորումների արդիականացում, լսարարանների, մասնագիտական աշխատասենյակների հնարավորությունների համալրում, ենթակառուցվածքների բարելավում:

4. ԳՊՀ ներքին և արտաքին շահակիցներին «Բաց գիտության» համակարգի բաղադրիչների սկզբունքներին և կանոններին ծանոթացում, լրացական դասընթացների կազմակերպում, գիտահետազոտական համապատասխան ոլորտի անհրաժեշտ իրազեկություններով օժտված փորձագետների ներգրավմամբ:

5. ՀՀ և օտարերկրյա բուհերի, գիտահետազոտական ինստիտուտների և մասնավոր կազմակերպությունների հետ համատեղ գիտահետազոտական դրամաշնորհային նախագծերի իրականացում:

6. ԳՊՀ դասախոսների գիտահետազոտական աշխատանքների ներկայացման միասնական էլեկտրոնային հարթակի կատարելագործում:

IV. ԿԱՌԱՎԱՐՉԱԿԱՆ, ՖԻՆԱՆՍԱՏՆՏԵՍԱԿԱՆ, ՌԵՍՈՒՐՍՆԵՐԻ

ԱՊԱՀՈՎՄԱՆ ՈԼՈՐՏՈՒՄ

1. ԳՊՀ հակակոռուպցիոն ռազմավարական ծրագրի դրույթների կատարում:

2. ԳՊՀ տարեկան գործողությունների պլանի կատարողականի արդյունավետության ցուցիչների ապահովում:

3. ԳՊՀ կառավարման իրավական հիմքերի կատարելագործում՝ ՀՀ օրենսդրական կարգավորումներին համապատասխան:

4. ԳՊՀ կառուցվածքային ստորաբաժանումների առաջընթացը գնահատող կատարողականի արդյունքային ցուցանիշների (ԿԱՑ) համակարգի և դրանց արդյունքով խրախուսման համակարգ սահմանելու մեխանիզմի մշակում՝ ելնելով ՀՀ կրթության ազգային քաղաքականության և բուհի ռազմավարական առաջնահերթություններից:

5. Դասախոսների և ուսանողների համար անվտանգ կրթական միջավայրի ապահովում:

6. ԳՊՀ-ում կրթական նորարարությունների խթանման ծրագրերի մշակում՝ դիմելով միջազգային, հասարակական ու այլ ազգային և միջազգային կազմակերպություններին՝ ֆինանսական աջակցության նպատակով:

7. ԳՊՀ պրոֆեսորադասախոսական և վարչական կազմերի մասնագիտական զարգացման դասընթացների մշակում և վերապատրաստումների իրականացում:

8. ԳՊՀ պրոֆեսորադասախոսական կազմի շարունակական մասնագիտական զարգացումը խթանալու նպատակով աշխատանքի վարձատրության և խրախուսման տարբերակման մեխանիզմների մշակում և ներդրում:
9. ԳՊՀ ենթակառուցվածքների, մշակութային միջոցառումների և մարզական պարապմունքների դահլիճների վերանորոգում և կահավորում՝ համապատասխանեցնելով ներառականության պահանջներին:
10. ԳՊՀ ակադեմիական տեղեկագրերի էլեկտրոնային տարբերակների մշակում և գործարկում:
11. ԳՊՀ գրադարանի գրքերի պատվերի ու տրամադրման, հետվերադարձի գործընթացների էլեկտրոնային կառավարում:
12. ԳՊՀ թանգարանային հավաքածուի թվայնացում:
13. Շահառուներին տեղեկանքների, այլ անհրաժեշտ փաստաթղթերի՝ էլեկտրոնային եղանակով տրամադրում:

**V. ՀԱՆՐԱՅԻՆ ՊԱՏԱՍԽԱՆԱՏՎՈՒԹՅԱՆ, ԱՐՏԱՔԻՆ ԿԱՊԵՐԻ
ԸՆԴԱՅՆՄԱՆ ԵՎ ՄԻՋԱԶԳԱՅՆԱՑՄԱՆ ՈԼՈՐՏՈՒՄ**

1. ՀՀ Գեղարքունիքի մարզի բնակչության կրթական կարիքների ուսումնասիրում, դրանց համապատասխան կրթական ծրագրերի մշակում:
2. ԳՊՀ-ում տարբեր շարունակական մասնագիտական զարգացման ծրագրերի համար անհրաժեշտ նյութատեխնիկական պայմանների ապահովում և ծրագրերի իրականացում, խորհրդատվական ծառայությունների մատուցում:
3. ԳՊՀ-ի կողմից հանրային պատասխանատվության ձեռնարկների իրականացում:
4. Ուսանողական թիրախային խմբերի, այդ թվում՝ Լեռնային Ղարաբաղից բռնի տեղահանված ուսանողների կարիքների ուսումնասիրում՝ բացահայտելու նրանց ակնկալիքներն ու սպասումները կրթական և գիտահետազոտական ուղղություններով, դրանց բավարարման նպատակով ծրագրերի մշակում:
5. Արտասահմանյան գործընկերների, միջազգային դրամաշնորհատու կազմակերպությունների հետ համագործակցության հնարավորությունների ուսումնասիրում և արտաքին կապերի ընդլայնում:

6. Միջազգային, այդ թվում՝ ԵԲԿՏ-ի միջբուհական համագործակցության, շարժունության, գիտահետազոտական և այլ ծրագրերին ԳՊՀ-ի ակտիվ մասնակցության խթանում:

7. Միջազգային գիտաժողովների կազմակերպում:

8. ԳՊՀ-ի՝ հասարակայնության հետ կապերի նոր հայեցակարգի մշակում և գործարկում՝ բարելավելով ԳՊՀ գործունեության մասին հանրային իրազեկման մեխանիզմները:

VI. ՀԱԿԱԿՈՒՌՈՒՊՑԻՈՆ ՔԱՂԱՔԱԿԱՆՈՒԹՅԱՆ ԻՐԱԿԱՆԱՑՄԱՆ ՈԼՈՐՏՈՒՄ

1. Հակակոռուպցիոն ծրագրի գործողությունների պլանի մշակում և իրականացում:

2. Հակակոռուպցիոն ծրագրի իրականացման մշտադիտարկման պլանի մշակում և գործարկում:

3. Գործողությունների պլաններում արտացոլված որակական և քանակական ցուցիչների ճշգրտությունն ապահովելու նպատակով ընդհանուր մոտեցման և մեխանիզմների մշակում և գործարկում, գնահատման ցուցիչների չափելիության աստիճանի մշտադիտարկում:

4. Կոռուպցիոն ռիսկերի բացահայտման, կանխարգելման և վերահսկման մեխանիզմների կատարելագործում և կիրառում,

5. ԳՊՀ բարեվարքության կանոնների վերանայում և համալրում:

6. Իրավագիտության բաժնի դասախոսների և ուսանողների միջոցով աշակերտների շրջանում իրավագիտակցության բարձրացման ծրագրերի մշակում և իրականացում:

7. ԳՊՀ-ում իրավագիտակցության և իրավական մշակույթի բարձրացմանը միտված բաց դասախոսությունների և հանրային քննարկումների պարբերաբար կազմակերպում: